



UPA 2014/120.1
25. marts 2014
Hans Aronsen

Uunga siunnersuut: Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaat nr. 11, 3. december 2012-imeersoq, allangortinneqarsimasoq Inatsisartut inatsisaatigut nr. 9, 29. november 2013-imi allangortinneqarnissaanut siunnersuut.

(Aningaasaqarnermut Nunamullu Namminermet Naalakkersuisoq)

Siullermik:

Inuit Ataqatigiinniik neriuutigilluinnarparput manna ullumikkut oqaluuserisarput Qalerallit Paperoqqortuullu imaluunniit Avaleraasartuut avataasiorluni alisarneqartut akitsuutaannut tunngasoq piviusuusoq qanoriliallallunilu naqqiutinik allangortiterneqarpallaarani isummernissamut tunngavissaassasoq.

Qulequttamut suliakkiunneqartumut oqaaseqaat:

Nunatta avammut niuernermini aningaasarsiutigilluarsinnaasaasa atuisut nunamilu aqutsisut akornanni peqqissaartumik paaseqatigiiffiusumillu ineriartortinneqartariaqartut Inuit Ataqatigiit isumaqarpugut.

Inuit Ataqatigiinniillu akitsuusiisarnermut siunissamut peqqissaartumik nunatsinnullu sunnuteqarluartumik ingerlanneqartunut apeqqusersuisuunngilangut.

Tunumi misileraatitut avaleraasartoorniarnaq silap allangoriartornerata nassataanik aalisarnikkut nutaatut takkuttoq, aalisarnermi iluaqutiginiarneqalernissaa pingaartillugu 2011-mi naalakkersuinikkut pimoorullugu aallartisarneqarpoq.

Avaleraasartuunik misileraallunilu aalisarneq tassaassaaq siunissami nunatsinnut aningaasarsiornikkut pitsaasumik sunniutilik.

Tamatumalu malitsigisaanik nutaamik aalisarnikkut atortulersuutitigut pisariaqartitsiviusukkut, kiisalu imartami atlantikup avannaani nunani arlariinni aalisarnikkut avitseqatigiiffiusumi aallartisarnissaaq siamasissumik isiginnilluni peqqissaarullugu suliarineqartariaqartoq Inuit Ataqatigiinniit isumaqarpugut.

Naalakkersunikkut misileraanermet siunertaqatigiinnerput naammassilluassagutsigu pinngitsooruminaatsutut isisarput manna

aamma siullermeerinermi eqqarsaatigineqartariaqartoq. Tassa misileraalluni aalisarnermi avataaninggaaneersunik attartornissat saneqqukkuminaatsuunerat.

Ukiarmi aningaasanut inatsisissap 2014-moortup suliarineqarnerata naamassiliivinnera minutsialuinnarnik tikillugu avaleraasartuunut akitsuutip naalackersuisooqatigiit partiivisa naalackersuisullu akornanni ilungersunartumik allanngoqattaqisumillu ingerlanneqartup malitsingaa manna suliaq. Ilanngullugu oqaatigissavarput ajusaarnartuummat suliat isummerfigeriikkat piffissap sivikitsuinnaap iluani mumilluinnarlugit allanngueqattaartinneqarlutik saqqummiuteqattaarnerat. Suliamullu uunga aamma tunngasumik allanngueqattaarnerit piffissami suliap kingulliup ingerlanerani takussaaqqaat.

Matumani aamma kissaatiginaqaaq susassaqtunut tusarniaanermi akisutaasut nalilersuinermi pingaartinneqartariaqartut.

Misileraallunilu aalisarnerup nalaani nunatsinniit aalisartut akileraarutini artukkerlugit aallerfiginissaat mianersuulluinnartariaqarpoq aammattaq aningaasarpasuit qilammiik nakkaasoralugit 90mio kr. isertitassatut AIS 2014-mut inissinneqartut annertuumik suliasaqtitsilerput. Tassami aalisarneq inerisarniarneqassappat kalaallit aalisariutitigut atortorissaarutitigullu inerisaasariaqarput tamannalu akikittuinaangilaq. Avaleraasartuunik misileraalluni aalisarneq ullumikkut suli ingerlammat tamassumalu naammassisutut inuussutissarsiutigivillugulu aalisarnertut nunat immamik sineriallit akornanni nunatta inissisimallualernissaa naalackersuinikkut pisussaaffiuvoq qimarratigineqarsinnaanngitsoq.

Imartatta avaleraasartooqarfittut taaneqarsinnaalernissaa uppersinariarlugu ukiut minnerpaamik 5-mat misileraalluni aalisarfigineqartariaqartoq isumaqarpugut.

Matumani apeqqummi Aalisarnermut ataatsimiititaliaq avaqqukkuminaatsutut aamma isingaarpup, tassanimi makku apeqqutit isummersorfigineqartussatut isingaavut.

Nunatsinneersut avaleraasartoorniarnermullu akulerukkusuttut allat maannalu ingerlatsereersutut qanoq inatsisissami periarfissinneqarniarpat?

Nunatsinninngaaneersut akuliutinneqarnissaannut inatsisitigut periarfissat qanoq ittuuneri misissussallugit.

Apeqqutigiumasat:

Aningaasaqarnermut Naalackersuisumut apeqqutigissuarput sunamita pissutigalugu siunnersuut siulleq tallimannngormat allangortinneqarpa?

Avaleraasartoorniarnissamut akuersissutiniq qinnuteqartoqareerpa, aamma tunniussisoqareerpa?

Ilanngullugu § 7-mi allassimasoq "qalerallit akitsuutaannik" qulequtaq allanngortinneqassappat oqaaseq "avaleraasartuullu" ilanngunneqaasanersoq naalaakersuisunit paaserusupparput.

Misileraalluni aalisartitsinermi nunatsinneersut kikkullunniit akuliunnissaannut periarfissaqarpa?

Suliap ingerlaqqinnera:

Inuit Ataqtigiinniit matumani aalajangersangassami apeqqutit saaffiginnissutigut pillugit naalakkersuisunut minnerunngitsumillu ullumikkut naalakkersuisooqtigiinni partiinut suleqatigiissutigerusullugit saqqummiuppagut.

Taamatut oqaaseqarluta apeqqut pitsaasumik oqallisigineqarluni isumaqtigiiffiullunilu Aningaasaqarnermut Akileraartarnermullu ataatsimiititaliami aammalu Aalisarnermut Ataatsimiititaliami suleqatigiissutigineqarnissaa Inuit Ataqtigiinniit innersuupparput.